

漢陂集

一
函
八
冊

鄧子修藏

PDG

漢陂集卷十三

誌銘

東孺人張氏墓誌銘

華州舉子東君實既喪其配張孺人卜以嘉靖癸未十一月十八日塋庄南先塋謂予繼室與孺人從兄弟知孺人乃來鄠杜請予銘其墓孺人者咸寧東川張公之女也公諱鸞仕為刑部左侍郎配恭人許氏生孺人是為成化乙巳五月二十五日也是時公為知縣南樂而許恭人無子乃極愛其女不幸甫七歲而恭人卒繼恭人亦許氏乃又無子又極愛孺人弘治丙辰公在京師

為御史而東君之父諱思恭為兵科給事中先是給事
公之兄考功員外郎諱思誠與東川公同舉進士交游
相愛故東川給事二公者稱為通家又相愛甚厚是時
東君與孺人俱從游京師年德相將兩家門閥若此又
相愛是故結好云而一時鄉大夫率相賀張得佳壻東
得佳婦踰二年不幸給事公病卒然是時東君之母薛
夫人卒已久祖母郭宜人在堂以為君獨有繼母姜氏
終鮮兄弟欲早婚未幾太宜人亦卒其後壬戌東川公
為浙江按察副使而東君乃始入浙奠鴈乙丑秋東川
公擢為大理少卿同道至彭城東君挈家西歸既見家

徒壁立東君將有圖又資素志嘉慶人勸之曰書中
自有屋努力耳何鬱鬱為乎是東君大肆其學舉正德
癸酉鄉試而已卯復同入京師卒業太學君學日益營
文日益壯乃舉進士屢不第孺人不以為戚而曰丈夫
磊磊如此暫困耳終必遂之于是復歸故里舍嘉靖三
午冬東君又以會試北上是時孺人已抱病不得已強
別而明年癸未正月十一日乃遂不起東君在京師聞訃
甚痛蓋孺人壽僅三十九歲又無子又未能相與永訣
視殯發故今為予道其事慟泣不已初孺人之歸也未
及事其舅姑甚恨乃獨有姜夫人姜夫人嚴怒即孺人

伏地終日跪乞歡不歡不起以此姜夫人恒為解頤于
其卒也哭之如喪其女其餘諸母妯娒下至媵婢無不
哀孺人者孺人性警慧甚往時東君夜誦詩讀書從旁
聽之輒記一二或質問大義亦了然又解書在太學時
東川公及許恭人之喪東君以孺人素羸恐病不欲聞
而孺人自見其訃書知之後聞東君言東川公例得祭
葬又自為書寄其弟張珊具以聞後竟得之然伉儷東
君者二十二年土小嘗齟齬作反目獨勸其宗飲乃更甚
苦東君以是思之不能忘銘曰

其處不愧其實
知驕琴瑟靜好以莫不饒未竟而隕君

子是戚是勞其道不澆

明故奉訓大夫四川順慶府蓬州知州閻君允

中墓誌銘

閻君允中者諱係字允中鳳翔隴州人也自曾祖秀以
上家世為農至其祖璿始從學受經舉鄉試仕為縣學
教諭教諭公生四子而長子諱仲實舉鄉試第一尋舉
進士歷官吏部考功郎中遷河南左叅政公配淑人王
氏生三子允中其中子也允中少時穎異絕人而是時
伯兄价學有端緒矣于是叅政公愛其中子令勿學苦
之叅政公有弟諱仲宇官至兵部尚書是時已舉進士

為御史極愛允中復令從學闡舉子所受易參政公一日見其文喜曰兒更若是矣後又受易紫崖馬先生所西歸為州學弟子員提舉子副使潘先生試論張良勸沛公燒絕棧道極許允中事在弘治己酉而予是時亦將縣庠聞而慕焉其年秋鄉試與允中同逆旅舍見其詩學唐人書行草學右軍帖以為發解無疑乃不第而予不意先登然私心未嘗不畏允中也弘治癸丑春予游太學與故進士長安童秉慶今都御史岐山楊宗文戶部主事鳳翔孫敬之同舍講學而敬之與允中文善敬之有母老在堂允中殷勤焉乃以書抵敬之曰有負吾

友敬之見書而泣而予與東坡宗文玩其詞翰相與歎
息蓋吾三人者亦皆與允中友也是時遂庵楊先生提
學關陝又極許允中乃乙卯秋舉鄉試第六人人以為
屈其後會試乃又屢不第正德戊辰予在翰林允中特
時過訪謀予欲謁選吏部然須髮雖已半白予候其氣
尚嶽嶽不衰勸之乃止及辛未春乃又不第于是謁選
為滁州知州是時予由吏部左遷壽州同知相去近聞
允中始下車即往去繁賦罷不急之役勸課農桑尊養
長老旌顯節義教授生徒諸生貧不能婚葬者量與資
給季課月試經其指受靡然嚮風矣郡中諸尼寺悉與

撤毀嫁其尼民間築亭瑯琊山南名曰來風又修築薛
翁亭故基暇與郡中學士大夫將咏其間先是衛指揮
率侮郡守郡守不能制允中止色御之無不屈服者壬
辰春予罷壽州會諸郡盜起不能歸允中遣使賜書存
問拳拳其至也其後盜壓滁境允中戮力捍禦有郎某
者武弁之子也幸賊至謀為內應或以告允中允中命
左右縛之獄其黨即日解散賴以無事賊復南走大江
今兵部尚書彭公總制殺賊素知允中令處幕府畫策
相得甚歡賊平還郡乃秋水災民多不給允中告於漕
運都御史張公發票賑貸全活者衆當道推其才能問

勞之使結轍于道然允中不善俯仰遇事當爲即爲時
所忌諱由此被讒調四川蓬州比至首新廟學財不告
費力不勞民事在紀功之碑營山盜久肆暴掠居人畏
之如虎允中以計擒之百姓歌曰猛虎莫咬有關西關
羅丁丑春朝覲考察百官會當道者有隙遂罷歸里舍
允中在蓬州時嘗致書存問予不絕旣歸與予約遊南
山紫閣諸峯然竟不至予聞其田園甚樂以爲不久當
至也孰意其卒蓋嘉靖壬午十一月某甲子也距生天
順己卯十二月壬戌享年六十有四歲云闍氏自教諭
公以經術顯名乃生叅政尙書二公叅政公生長子价

起家翰林庶吉士擢監察御史四川左叅議叅議君生
子欽舉進士爲給事中累遷河南右叅議尙書公亦有
子舉于鄉其相繼舉者又數人焉于是隴州閭氏赫然
爲關西世家云而允中當此全盛之時略無驕矜縱誕
之氣事父母生盡其養死能哀毀葬之以禮周人之急
揮金不吝嘗欲置義田贍族人官祿薄不果所著詩文
章有岼山集載在家傳配張氏先允中卒張氏者太醫
院判三原張徵之女也有婦德事在墓誌語中生二男
子二女子長男鈞醫學典科次鉶州學生女二一適鳳
翔府學生輩大年一適國子監生清水張詔側室羅氏

生二男子鉦金俱夭折死乃有女子二人長適涇陽趙
經次適國子監生涇州閭瀛山等卜以卒之明年癸未
某月某甲子合葬弦蒲張夫人之墓屬其父之門人漢
陽府同知張綸述狀請予為墓誌銘銘曰

吁嗟允中遽至是邪天其謂何滁人之思蓬人之歌知
君者以君為宜不知君者譖言孔多謂非命邪吁嗟允
中吾見其美不知其他勒銘茲石耿不可磨

明故朝列大夫山西等處承宣布政使司左叅
議五泉韓子墓誌銘

今年春五泉子抵予書曰秋當過訪鄠杜蓋正德戊寅

夏五泉子嘗訪予別六年矣得書喜甚朝暮幸其至孰
意其死也五泉子且死謂其兄苑洛子曰必敬夫銘我
墓嗚呼吾尚忍銘吾五泉子邪五泉子者諱邦靖字汝
慶同州朝邑縣人也姓韓氏蓋自稱曰五泉子父曰連
峯先生諱紹宗仕為按察副使母恭人閻氏蓋弘治戊
申閏正月初一日子時生五泉子是夜恭人夢五色雲
中奏成韶之音已而玉文十餘持蓋擁一童子入室覺
而生五泉子五泉子生而靈異三歲而能誦古詩百首
四歲而通孝經小學五歲而讀論語文王至德篇掩卷
若有思者蓮峯先生問之對曰即如是武王非矣八歲

而通舉子業十四而舉于鄉二十一而舉正德戊辰進士予與武功康德涵愛其才推為庶吉士不果明年己巳拜工部虞衡司主事乃奉部檄十庫監收庫宦官不為禮五泉子自坐前席宦官怒給曰部尚書至因起徹坐五泉子詰之答曰公無預庫事者止一飯耳五泉子曰然則我當去矣答曰當署案五泉子曰豈有署案預庫事者乎竟前席坐署案尋又監收黑窖廠主廠者宦官厚燕接殷勤之歡五泉子不顧自起視秤分毫無所假宦官雖怒甚然無可奈何未幾抽分浙江市舶去矣先是抽分部使者往往避嫌乃重取于商為羨餘以

自白五泉子乃下令曰非巨木若竹木成器者不稅稅課舊領府幕官乃奏議寄布政司不與府幕官以部使者侵漁而府幕易與耳又奏議以為抽分司刑獄宜下按察司以防出入詔皆奏可故事抽分司餽鎮守太監歲千金是時鎮守劉太監者又谷大用之黨五泉子固不與金劉太監怒久知其為人不怒愈益敬之會宦者從京師來倚其近倖索抽分錢甚急劉太監從旁勸曰幸無求韓主事我當有以贈公也及代入奏乃課額不足部尚書及工科給事中皆以法劾五泉子五泉子亦自劾求罷會國老有知其故者賴以無事壬申春南北

畿內河南山東諸郡盜起天子命將征勦三部官例一人前除當刑除者數人皆懼不敢往言之部尚書有泣下者次不及五泉子部尚書知五泉子素勇可使數日五泉子五泉子毅然請行後亦有天幸不害其歸遷貴外郎都水司出奉部檄清查直隸山陝諸政歷年班匠銀兩既見其民貧乃奏議罷徵是時急于用財不許後以乾清宮災竟罷之而天子于是方以災異下詔求直言者五泉子歸上疏曰夫民者樂安而思治惡危而厭亂向背之際甚可畏也陛下即位以來朝政不脩經筵罔御盤遊無節狎近君儉挫折骨鯁之臣閉塞諫諍之

路百度乖違庶事叢脞府庫空竭閭閻流散盜賊災異
荐至迭興危亂之形已成社稷之憂將大頃者乾清
宮災陛下下詔求言天下之人莫不祈望以為陛下翻
然悔悟轉危為安也然徒事虛文不脩實政臣等章奏
罔有施行而部官黃體行乃又皆以言罷去天下人心
莫不沮喪以為陛下遭此大異乃復如此是悔悟無期
而治安不可望文離不可收也夫親離者家散民離者
國搖故漢儒有土崩之言先哲有搏沙之喻伏望陛下
以社稷為念將各官章奏采擇施行前後言官待罪之
人並黃體行取回錄用于以收旣散之心迺將來之